

2016

HMAR

(Modern Indian Language)

Full Marks : 100

Pass Marks : 33

Time : Three Hours and *Fifteen Minutes

*(*15 minutes are given as extra time for reading questions)*

A hnuoia indawnnahai hi dawn rawh :

SECTION A (UNIT I) PROSE – 25 Marks

1. ART lamsei ziek rawh. 1
2. Iengtik lai khan am Hmarha'n Sinlung an suoksan nia ring a nih a ? 2
3. Iengtin am Hmar pi le puha'n thang an lo suo hlak a ? 2
4. In tienga thangsuo dan ziek rawh. 2
5. Iengtin am AIDS laka inthawkin invêng thei ei t'a ? 2
6. Chulrama thinghna derin a lo inkhumhai kha ieng ieng am an nih a ? 2
7. Chulram fang hi ieng anga khawsawtum am a nih a ? 2

8. Ieng leia Bawngkaripu'n Ambedkar hai unau kha, lam chenvea kirsan a tum am a nih a? 2
9. Hmarha'n Sinlung an theinghil phal naw hi ienglei am ni dingin i ring a? 4
10. Khuongpuitlur kha a ngaizawngnu'n, iengleia pasal a lo neisan am ni dingin i ring a? 6

SECTION A (UNIT II) POETRY – 20 Marks

11. 'Zion Khawpui' ti hla hi tû phuok am a nih a? 1
12. "Ruolhlui lamtlàk zâl reng a, ruolthar lamtlàk zâl reng a'ti hi, ieng tina am a nih a? 2
13. In inchuklaia hla i hriet tak châng khat, indiktakin ziek rawh. 2
14. Hrilfie rawh: Thiemna bûngpui phunin tuon kan rèl a, a zâr hnam tin chàwldamna ding'. 2
15. 'Par Mawi Kung aw, nang chau naw chu, lunglai hnemtu an um nawh' ti hi ieng tina am a nih a? 2
16. Thangngur-in Santu a ngai em em nasan hi, thumal 80 vèlin ziek rawh. 5
17. L.R Fimate'n, "PhutThar NâwkThei Ni Lang"ti hla, a phuok nasan ni dinga i ring, thumal 100 vèlin ziek rawh. 6

SECTION B (UNIT III) READING – 20 Marks

18. Thuziek hi tiem rawh :

Aw vânhai, ngai unla, aw leihnuoi, nâ sit rawh. LALPA chun thu a hril ie: “Nauhai chu ka chàwm puitling a, ka chungah an hel ta si a. Bawngchal chun a pu a hriet a, sabengtung khawma a pu bupèkna a hriet bawk a. Israelhai ruok chun an hriet si nawh. Ka mihai chun an ngaituo naw a nih” tiin.

A! hnam suol, khawhlona rik tak phur mihai, chithla, thil thanaw thawtuhai, nau, rilo taka khawsa hlakhai an nih. LALPA chu an màksan a, Israelhai Mi Inthieng chu an hmusit a, insuktumin an hnungtawl tah. Iengdinga hel zuol deu deu a, vuoka la um rawp ding am in ni a? Lu chu a pumin a na a, lungril khawm chu a pumin a chau tah. Kepha hnuoia inthawka lu chenin a dam lai hrim hrim a um nawh; pawp dâm, vuok duk chur dâm, pânna hnâi la ruok an nih. Chuong chu an hmetping naw a, an tuom bawk naw a, hriek khawm an nâl bawk nawh.

In ram chu rausanin a urn zo a, in khuohai chu meiin a kàng zo a, in ram chu ram dang mihaiin in mithmu rigeiah an nei zo a, ramdang mihai suksiet angin a se zo tah. Zion naunu chu grêp huona vèngbûk ang le, fanghma huona tû ang le, khawpui inhuolvèl anga màksanin a um tah. Sipaihai LALPA chun hlâbîkhai tlâwmte mi lo hlapèk naw sienla chu, Sodom ang khan um dai ta'ng ei ta; Gomorra ang khan um ta'ng ei tih.

A. Tuhin a hnuoia zawnahai hi dawn rawh :

- (i) LALPA thuhiril ngaithla dingin tuha'm inhriettirin an um a ? 2
- (ii) Bawngchal le sabengtungin ieng am an hriet a ? 2
- (iii) Israelhaiin LALPA ditnawzàwng an thaw 2 ziek rawh ? 2
- (iv) Zion naunu chu ieng anga màksanin am a urn a ? 2
- (v) Sipaihai LALPA'N hlapèk lo nei naw sien, Isaraelhai kha tuhai angin am urn ta'ng an ta ? 2

B. A hnuoia hai le umzie inang / inhnai, a chung a thuzieka inthawk khin la suok rawh : 1+1+1=3

- (i) Enkawl puitling
- (ii) Suol taka khawsa hlak
- (iii) Fesanin

19. Thuziek hi tiem rawh :

Lalpa chu ka iengkima ka iengkim a nih a. Iengtik lai khawmin mi thlathlam ngai naw nih. Ama chun hrietthiemna le lungawina hmuna hai a mi'n chawltir hlak a. Beidawngna le mangangna hmuna inthawkin a mi sansuok hlak. Ni tinin a lampui tha le indikhai mi'n chûktirin, a hming thienghlim chawimawi ding le a thatzie puong suok dingin, a mi'n thuom thar hlak.

Natna, hrivawisietna le thithe hielna khotlângah um hlak lang khawm, chuong po pova inthawka mi humhim ding le a thla hnuoia mi thup zo dingin, hratna le thilthawtheina a nei leiin, thlaphâng le beidawngin ka'n rùm ngai nawh.

Mi suknaumnatu le mi deusawtuhai humuhawi ngeiah, malsawmna le hlimna tamtak a mi'n dawngtir hlak a. Ama tituhai le a dit dan anga khawsatuhai chung a Lalpa thatzie le ringumzie hi, mihriem tawngin hrilsuok zo a ni ngai nawh.

A. A chung a thuzieka inthawk khin thupui pawimaw zuol 4 (pali) nêka tlâwmlo suokin ziek dawh rawh. 4

B. A hnuoia thuziekhai le umze inang / inhnai, a chung a thuzieka inthawk khin la suok rawh. 1+1+1=3

- (i) Uksaklo
- (ii) Hriselnawna
- (iii) Nun hmangtuhai

SECTION C (UNIT IV) WRITING – 25 Marks

20. A hnuoiahai hi pakhat lem lem ziek rawh: 5

Students Union-a General Secretary i ni a. Blood Donation Campaign Programme-a thisen pe nuomhai hriet dinga inhriettirna, Notice ziek dan kalhmang indik tak hmangin 'Notice' ziek rawh.

Annawleh,

HYA Secretary i nih a. Dengue laka inthawka inveng dan ding i hriet ang ang, mipui tiem ding, "Press Communique 'ziek rawh.

21. A hnuoiahai hi pakhat lem lem thlangin, a dawonna ziek rawh : 8

Exam, a hnai ta leiin, Power Supply pe tha dinga ngenna, Churachandpur District-a Chief Manager kuomah Application ziek dan kalhmang indik takin, 'Application' ziek rawh.

Annawleh,

Officer ni ngei turn a, lekha i tiem nasat dan, lekhathawn ziek dan kalhmang indik tak hmangin, i ruoltha kuomah lekhathawnin hril rawh.

22. A hnuoia thupui pakhat lem lem hi thlangin, thumal 200 vel hmangin essay ziek rawh. 12

Education Hi Hriselna Bui A Nih

Annawleh,

Taimakna Hi Tawngtaina Sukhlawtlingtu A Nih

SECTION D (UNIT V) GRAMMAR – 10 Marks

23. A hnuoiahai hi an dik lem lem ziek rawh: $1 \times 10 = 10$

- (i) 'Fe fe naw rawh' ti a, 'fe fe' hi, Double Adverb/Double Verb a nih.
- (ii) 'Tui thienghlim' ti a, 'thienghlim' hi, Adjective / Verb a nih.
- (iii) 'Ka khu a sik ngai meu nawh' / 'Ka khuo a sik ngai meu nawh'.
- (iv) 'Ka ruolhai ka thangpui hlak' / 'Ka ruolhai ka thrangpui hlak'.
- (v) 'Ka pu tlàn kan va chei a nih' / 'Ka pu thlàn kan va chei a nih'.
- (vi) 'Thlipui a hrâng ding a hawi' / 'Tlipui a hrâng ding a hawi'.
- (vii) 'A nauhai 2 sipaia thang an um' / 'A nauhai 2 sipeia thang an um'.
- (viii) 'Kawtkhar va knâr rawh' / 'Kotkhar va khâr rawh'.
- (ix) 'Khomioia seilien ka nih' / 'Khawmawia seilien ka nih'.
- (x) 'Bubêl nâwt fai rawh' / 'Bu bêl nâwtfai rawh'.